



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Sebastiani Henrici Penzingeri, Consistorialis
Passaviensis, Decani, & Parochi in Trauttmanstorff ad
Laitam Bonus Ordo Triplicis Formatae Concionis Moralis In
Omnia Festa Sanctorum In Amplissima ...**

Penzinger, Sebastian Heinrich

Solisbaci, 1698

Disc. XXVI. Maria Deum facit propitium. Maria est universalis, irati Numinis
Reconciliatrix.

[urn:nbn:de:hbz:466:1-51763](https://nbn-resolving.org/urn:nbn:de:hbz:466:1-51763)

DISCURSUS XXVI.

Rosa proprietates habens Virgo Maria, Rosa mystica est.

Exordium.

Rosa flos florum non immeritò à Sapiensibus plurimum commendatur, dum eam reginam florum, ornamentum terræ, plantarum decorem ac veritatem, veris nuntiam, purpuram hortorum, ornatum puellarum cognominant, unde rectè Poëta quidam cecinit apud Delrio. in Adag. part. 2. ex Anacreonte.

*Rosa honor, decusq; florum,
Rosa cura, amorq; Veris,
Rosa flos, odorq; divum.*

Verùm major cæteris floribus præcellentia, laus & prærogativa, ex eo Rosæ attribuenda, quòd ab eâ flos Virginum Maria Virgo, nomen mutuata, Rosæque vocata sit, Ecclesiast. 24. cap. *Quasi plantatio Rosæ.* utpote quæ omnes rosæ qualitates eminenter in se continet, ac proinde melius de eâ canit Marianus Poëta:

*Maria honor, decusq; cæli,
Maria cura, amorq; terra,
Maria flos, odorq; Christi.*

Magnum profectò rosæ enconium est, dicere, illam verè imperatricem inter flores, viridi in throno, adornato topophyro, residere sublimem, vestitam purpurâ, coronatam auro, palpari ab avibus, mulceri ab aurâ, à cælo

sissimè coli, & ancillari, à fideli & armatâ undique spinarum,
 ceum militum, muniri custodiâ: ast longè excellentius enco-
 mium rosæ, quòd ab ipsâ nomen accipiat cœli terræque Im-
 peratrix ac Regina, & ab ejus proprietatibus *Rosa mystica*, dica-
 tur Virgo Maria. SS. Patres desuper consulamus. *Maria* SS. Patres,
Virgo Rosa Paradisi est, qua ex progenie David, per Joachim
credentibus data est. definit S. Vincentius Ferrariensis. serm. S. Vincen-
 de S. Annâ. *O Rosa! qua ex spinis, hoc est, ex Judais orta* rius Ferra-
es, ac divinâ fragrantia cuncta perfudisti! exclamat S. Joannes riensis,
 Damascenus. *Odore suavissimo totam Domum Domini* J. Joannes
replet, ô Maria! Viola humilitatis, Liliu castitatis, Rosa Damasce-
charitatis. perorat S. Bernardus, in Deprecat. ad B. V. *Cora-* S. Bernardus.
gruè itaque hac Virgo nuncupari potest florens Rosa, nam sicut
rosa crescere solet inter spinas, ita beata Virgo in hoc mundo
crevit inter tribulationes: & quemadmodum, quando rosa in
crecendo se plus dilatat, tantò fortior, & acutior spina effici-
tur; ita & hac electissima Rosa Maria tam constantem gerebat
animum, quando plus atate crescebat, tantò fortiorum tribu-
lationum spinis acutius pungebatur: sicut rosa, constanter in
suo loco stare cernitur, quamvis spinae circumstantes fortiores,
& acutiores effecta fuerint, ita hac benedicta Rosa Maria,
quantumcunque tribulationum spine cor ipsius stimulabant,
voluntatem tamen suam nequaquam variabant, sed ad suffe-
rendum, ac faciendum, quidquid Deo placeret, se promptis-
simam exhibebat: florenti ergo rosa dignissime comparatur.
 dixit Angelus ad S. Brigittam, in serm. Angeli. cap. 16. *Lau-* S. Brigitta;
donuptias, laudo conjugium, sed quia mihi Virgines generant,
lego de spinis Rosam. scribit S. Hieronymus, Epist. 21. ad Eu- S. Hiero-
 stoch. Concludit Hugo de S. Victore. serm. 34. de Instit. nymus.
 Monast. *Sicut ergo est aurora lucis preventione, sic est flos* Hugo de S.
pulchritudine, favus dulcedine, viola humilitate, Rosa chari- Victore.
tate. Hujus Rosæ mysticæ odorem, afflante Spiritu S. dignis
 Conceptibus perpendamus.

CONCEPTUS I.

Confirma-
 tio, seu De-
 ductio,

Rosæ nomen, à *Rore* derivat Galenus Medicorum Prin-
 cept, florum ac herbarum perscrutator indefessus: Cur à
 rore? ros matutino cadens tempore, rosam quæ nimio so-
 lis ardore languebat, recreare, ei que incrementum præbere
 solet, ut ad folis ortum denuò sese præsentare, odore suavis-
 simo fragrare, suaque folia ad instar purpuræ regis valent
 maiestate dilatare. Tanto divini Solis incendio altior
 Rosa nostra mystica, Virgo Maria, ut cum veritate canere po-
 tuisset illud sponsæ: Cant. 2. cap. *Quia amore langueo*: id
 est, ut subtiliter explicat B. Albertus Magnus. super *Missus est*
Quæst. 131. Præ amoris magnitudine omnia temporalia fastidia
 Summo igitur manè, obumbrante eam virtute Altissimi, &
 superveniente in eam Spiritu S. Ros ille salutaris super eam
 cecidit, pro quo tot annis universus suspiravit orbis: *Roræ*
cæli desuper, & nubes pluant Justum, aperiat terra, & ge-
minet Salvatorem. Isaia 45. cap. Rore hoc gratiæ celestis
 plena Virgo benedicta, ab incendio Solis divini non movi
 est recreata, sed in super tam immensum dedit illi Deus in-
 crementum, ut suavissimus Odor Christi, quem genuit, gau-
 dium annuntiaverit universo mundo, & in Matrem Dei ere-
 cta, per tot orbis terræ partes, folia protectionis suæ Regni
 mundi, ac cælorum Imperatrix gratiosa dilataverit, quoties
 præsidio salutem ac vitam obtinuerunt sempiternam, digni-
 quam beatam dicant omnes generationes. Unde devotus
 Mariæ cliens Diez. Conc. 3. de Nat. Virg. ita scribit: *Mare*
excidit Ros, quo Rosa hac mystica, qua præ nimio æterni Solis ardore
languebat, rore gratiæ, in pulchritudine suâ conservaretur.
 Hoc rore irrorari desideravit S. Petrus Damianus. serm. 1. de
 Nat. B. V. *Virgo Dei Genitrix benedicta & superbenedicta: no-*
stram habes, non aliam, & iustum est, ut de tantæ
santæ pietatis diffusus infundamur. Rosa mystica, Virgo
 Maria!

CONCEPTUS II.

Situm rofarum esse inter spinas, annua docet experientia, quâ non facilè possumus decerpere rosam, quin ab acutissimis ejusdem spinis pungamur; hinc monet S. Basilius magnus lib. 3. in Hexam. cap. 11. *Cui placet habere rosam, eandem non displicant spina.* Ipsa tamen rosa, media inter spinas, à tot aculeis penitus illæsa manet. Unde quæso venit, quòd rosa tot spinis circumsepta appareat? Respondet S. Ambrosius lib. 3. in Hexam. cap. 11. Ante lapsum Adami, rosam in Paradiso sine spinis creatam fuisse: *Surrexerat antea floribus immixta, teneris sine spinis rosa, & pulcherrimus flos sine ullâ fraude vernabat, postea spina sepsit.* Post peccatum Adami, rosa septa fuit spinis, propter illam à Deo fulminatam terræ maledictionem: Gen. 5. cap. *Maledicta terra in opere tuo, spinas & tribulos germinabit tibi.* Hesichius Hierosolymitanus lib. 1. cap. 8. in Gen. per spinas intelligit afflictiones, tribulationes, persecutiones, & miseras, quibus ob peccatum Protoparentum circumdatus est homo, qui veluti rosa sine spinis persecutionum & dolorum; infirmitatum & mortis fuisset, si Adam non peccasset. An non Rosa inter spinas fuit Maria inter persecutiones Herodis? Rosa inter spinas Maria in Ægypto inter idololatrias? Rosa inter spinas, Maria inter Martyrium, & tormenta Filii? Rosa inter spinas, Maria inter injurias & opprobria Judæorum? Rosa inter spinas, Maria inter proprios dolores? Rosa inter spinas peccatorum, Maria intacta & illæsa. ut proinde canat sponsus. *Sicut lilium inter spinas, sic amica mea inter filias Adæ.* quæ verba Cant. 2. S. Gregorius Nyssenus cum aliis legit. *Sicut rosa inter spinas, sic amica mea inter filias Adæ.* Confirmat S. Bernardus. serm. de B. V. *Eva spina fuit, Maria Rosa extitit: Eva spina vulnerando, Maria omnium affectus mulcendo: Eva insigens omnibus mortem, Maria Rosa reddens salutiferam omnibus sortem.* Rosa mystica salutis.

CON-

CONCEPTUS III.

Virginitatis symbolum rosa est, cujus color sanguine & lacte mixtus, virginalem pudicitiam ac verecundiam adeo representat, ut à Columella. lib. 10. de Cultu hort. nuncupata fuerit *Rosa plena pudoris*. An non plena pudoris Rosa nostra mystica Virgo Maria fuit, quæ similem sibi in virginitate non habuit, cujus pudicitia nec conceptu violari, cuius plus quàm angelica verecundia, nec partu potuit auferri. Mentem S. Thomæ de Villâ Novâ desuper audiamus. *Ceteris virginibus sat est, incorruptas esse corpore, intactas haberi carne: quanam est enim, aut fuit unquam alia Virgo, quæ cogitationis libidinem non senserit, carnis molestias non pertrivit. Sat est, si dicit: Sufficit, si non succubuit: Maria sola citius, Virgo, Virgo carne, Virgo & mente, Virgo aspectu, Virgo tactu, Virgo cogitatu, Virgo affectu, Virgo sermone, Virgo opere, Virgo spiritu, Virgo sensu.* Et S. Petrus Chrysologus. *122. In tuo Conceptu, in tuo partu, crevit pudor, & aucta est castitas, integritas roborata est, & solidata Virginitas. Rosa mystica plena pudoris.*

CONCEPTUS VI.

Filia amoris à Poëtis rosa appellatur, eò quòd amoris instar roseo aureoque velamine, obvelatos gerat oculos, et vernantes ejus frondès illi inserviant pro alis, rami pro Arca spinæ verò illius, sint veluti sagittæ, quibus sui amoris, in spectatoribus excitat desiderium, ideoque optime dicitur Basiliius. Epist. 149. ad Liba. eum in finem, datas illi fuisse spinas à matre Naturâ: *quasi quedam amatoria illectamenta, ad majus desiderium colligentes provocet.* An non filia amoris, quæ & Mater pulchræ dilectionis Maria, Virgo Maria fuit, cujus in Deum amor, omnium creaturarum amores excipit, cujus pulchritudo Deum ipsum, ac cœlestis in sui amorem

Sed ecce reginæ Esther resolutum animum, comparere mirum decrevit in præsentia regis, ut ejus animum aduersus Hebræam gentem iratum placaret; quapropter miram faciem suam exornat pulchritudine, & decore, regis, pomposisque se induit vestimentis, pretiosissimis etiam se decorat gemmis, & margaritis, adeo, ut vultus ejus quoddam esset admirationis theatrum: Vix ingressa ipsius regis aulam, vidit illum magnifico & superbo insidentem throno, sed vultum ejus tam sævum, ferocem, ac crudelem, ut potius terribilem quendam leonem, quam hominem repræsentaret, aspectus namque ejus horrificus, non nisi indignationem & furorem spirabat, ac minitantem omnibus ostendebat frontem, quotquot illum intuebantur: In faciem & aspectum adeo terribilem & ferocem, ut oculos suos regina conjecerat, cecidit in terram semimortua, atque compassione rex motus, benignè ac humaniter illam suscepit, contortavit, ac solatus est. Quid tam citò iratum regis Assuero animum placavit? Quid eum rugientem quasi leonem, in agnum mansuetissimum commutavit? Nil aliud, quam roseus in genis Esther color: nam pallor genarum ejus motus fuit in roseum & rubicundum colorem: *Ipsa autem roseo colore vultum perfusa.* inquit sacer textus v. 8. quasi diceret: Quamprimum Rex in sereno reginæ vultu, colorem roseum contemplatus fuit, subito mansuetus, mitis & benignus evasit, gratiam populo Hebræo, totumque id concessit & indulgit, quod unquam ab Assuero Esther sperare poterat. Ecce quam rosa, vel à colore, singulari Encomio, *Mater gratia* dici possit. Rosa nostra mystica Virgo Maria, per Esther figurata, candida in conceptione, coccinea in incarnatione, rubea in Passione; candida ob virginitatem, coccinea ob fecunditatem, rubea ob martyrium, rosas modestiæ ac verecundiæ, cœlesti Assuero per dilecto Filio suo ac Domino, in vultu resplendens præsentat, & offert, atque divinam indignationem in nos ob peccata nostra committentem, non tantum placat pacatque, sed etiam innumeras

gratias atque favores nobis exorat. Seraphicè pro more S. Bonaventuræ. in Speculo lect. 5. *Esther nostra beata Maria, tantam gratiam coram Rege aeterno impetravit, quod per hanc, non solum ipsa ad coronam pervenit, sed etiam generi humano morti addicto subvenit.* Dignè ergo S. Bernardus Epist. 174. *Prædica reverendam Angelis, desideratam Gentibus, Patriarchis Prophetisq; progenitam, electam ex omnibus, prælatam omnibus: magnifica gratia in ventricem, Mediatricem salutis, & Restauratricem seculorum.* Rosam mysticam, Matrem gratiæ.

CONCEPTUS VI.

Virginem Deiparam sic loquentem Angelis, introducit S. Antonius. Part. 4. tit. 15. cap. 44. §. 9. *Decet me in glorificatione esse juxta Filium meum, per intercessionem continuam pro humano genere, ut cum Deus peccatis hominum commotus, diluvio flagellorum minatus fuerit terram subvertere, ego ut arcus appaream in conspectu ejus, indeq; recordatus fœderis sui, repropitiatur eidem, ne dissipet mundum.* Cur arcui cœlesti se comparat Virgo beata? De arcu cœlesti observat Princeps Philosophorum Aristoteles, in suis Problematibus Num. 3. quod suavissimi & quidem rosei odoris vestigium post se relinquat, arcui ergo Maria similis esse voluit, ut roseum gratiarum odorem de eâ certò certius autumemus, atque ideo canit: *Dum esset rex in accubitu suo, nardus mea dedit odorem suavitatis.* Cant. 1. cap. quæ verba alii ex linguâ Arabum, apud quos *Rosa* dicitur *Nardus*, transferunt, & dicunt: *Rosa mea dedit odorem suavitatis.* O Rosa mystica suavitatis cœlestis!

Christi bonus odor sumus. gloriatur de se loquens S. Paulus Epilogus.
Apostolus 2. ad Corinth. 2. v. 15. Meliori jure de se hoc dicit Rosa mystica, Virgo Maria, quæ odorem suum suavissimum spiravit, quando in Bethlehem Christum genuit, in cujus odorem, de cœlo Angeli, ab Oriente Magi, ex agro pastores

stores cucurrerunt, quibus nosmetipsos humiliter sociamus,
cum devotissimo Blosio salutemus: *Ave Maria Virgo ma-
tissima, Virgo sole serenior, astris lucidior, Virgo melle dulcor,
& balsamo suavior, Virgo rosis rubicundior, & liliis candidior,
ultra omnem honestatem gratiosa, de culpâ O Maria, placen-
tum prece piâ, ad aeterna gaudia.* Jungamus quoque pulcher-
rimam salutationem, quam ipsa Virgo Maria S. Gertrudem
edocuit: *Ave candidum Liliū fulgida, semp̄q, trinitate
Trinitatis, Rosaq, persulgida cœlica amœnitatis, de qua nati,
& de cujus lacte pasci, Rex cœlorum voluit, divinis influen-
tiis animas nostras pascere. Amen.*

*Cœlum dat rorem rose, quò spiret odorem,
Tristia letificet, languida vivificet.
En cœli rorem, Virgo, Genitricis honorem,
Mystica Rosa crea gaudia, prole bea.*

